

四庫全書

集部

欽定四庫全書

御製詩五集卷九十一

古今體六十三首

甲寅七

初伏日作

北至三庚伏短長致不同

每歲三伏惟中伏長短不同  
有一旬兩旬之殊總以夏至

後得庚遲早為定蓋夏至後第三庚起初伏第四庚為  
中伏立秋後值庚為末伏夏至距立秋約四十六七日  
如夏至後得庚早則立秋前當有五庚立秋後末伏即  
為第六庚是中伏應有二十日夏至後得庚遲則立秋  
前祇有四庚立秋後末伏即為第五庚是中伏應祇有  
十日如今歲五月二十四日夏至是日即值庚距七月

十二日立秋中間有五庚則中伏應有二十日此皆定數可坐而致也

由來胥定數可以

識鴻功避暑原無暑南風亦有風朝晴達暮霽農諺幸

符表

農家以初伏日晴占三伏中暘雨應時今早至暮晴明竟日喜符農諺矣

直隸總督梁肯堂奏南三府得透雨及夏田普種

情形詩以誌慰

京畿膏雨夏田茂三府惟南繾念中忽報親臨順廣大

普霑甘澤渥優同

梁肯堂前奏畿南順德廣平大名三府雨未優霑親往查看籌辦賑務茲

據奏到此三府均於初十一兩日各得雨四五寸至七八寸不等入土極為深透已種田禾長發暢茂未種

之地亦俱播種齊全又正定府屬之正定新樂行唐阜平冀州屬之藁強定州兼所屬之曲陽趙州屬之寧晉等縣具報同時各得雨四五寸至深透不等及詢問農民咸稱今歲麥收雖歉先已蒙恩緩徵糧賦減糶倉穀近又加恩分別賞借口糧民食有資莫不感深肌髓今又得此透雨夏田可以普種實有轉歉為豐之象等語  
幸看高種兼耕下不啻追荒可冀豐稔首半年愁未負  
益深兢業戒驕衷

### 千尺雪

四卷書圖一具四

西苑盤山及此間千尺雪俱做吳中寒山景為之盤山予自寫圖其吳中

西苑命張宗蒼蒼董邦達此間命錢維城分繪之圖各四卷每處彙弄四圖以便展觀  
今時風月昔

非今人譽較勝精神壯自悲難稱筋力任

過雨千山潁灑收落平汀澄鑑光浮理標動歸靜之趣  
欲問惠連意可投

永恬居敬題

兩字

奎文日月光

永恬居三字乃  
皇祖御書分明

垂訓義皇皇詎惟山水怡性趣要在旰宵勵政常幸矣  
內安及外靖戒之拓土與開疆永恬奕葉斯勤守後序

申言慎莫忘

皇祖建此山莊所以詰戎綏遐崇樸愛物之意至為深遠及予居此不敢耽山

水之樂而忘敬天法祖勤政惠民柔遠定通諸大端所以作後序者既以自戒並告後世子孫無忘

皇祖及予之深意詳

見壬寅避暑山莊後序

### 素尚齋

屨步陟巖廊書齋芸縹緗是中趣無盡此外更何費帶  
水動非急襟山靜不忙如將繹隩要前殿兩言詳

前殿即永

恬居伏讀

皇祖御製詩引養

引恬慎修思永之旨見於言外

### 午熱

剛喜霖雨晴畿南齊北隨報霑

此間十二日雨勢甚大次日即喜放晴然猶塵

念畿南齊北旋據梁肯堂福寧各報同時得被優霑日來頗堪慰念乃晴霽五日午間又覺炎蒸已甚山莊內固足避暑市鄺民居戶口滋繁不能不為縫念因思暑天即五日一雨為之驅溽亦可稱時若也 寢尋

午日熱細旗廣厦亦覺炎五風十雨實常度赤夏五雨

驅溽占

夏日俗諺有三日一小旱五日一大旱之語

深林大壑固避暑戶口

滋盛繁閭閻安得快霽滌蒸鬱坤方頗望雲峯尖

是處每雨

多自西南來目下幸冀快霽而西南雲氣漸然為之盼切

煙雨樓

弗通陸步祇通舟為愛其名試一遊果見峰烟含羃歷  
便期湖雨落綢繆驅炎送爽如人願渥下優高與物庥  
不在景佳在農慶知吾意者庶層樓

雨

六月十八日

初伏懼作霖翼日猶願霽既而喜晴過炎囂酷如熾傍

午西南雲入申霧霈至雖無一犁透却符五日瑞

午間雲陰

晦溢入申後果得迅雨一陣頓覺涼爽恰符所望

農功行旅人兩欣同遂意閣

本適速來

雨時正值閣本到來籌辦庶政益得從容詳慎

庶政慎籌義



晚晴

樓烟雨果致烟雨喜自西南雲脚鋪霖霖斜飛暗蓮島

是地舊名青蓮島

霸霖遙似繪駕湖

嘉禾烟雨樓在府城東南駕湖中

歸舟不

待風吹陣艤岸已看日晃隅坐閣夕陽鴉背閃時暘曰

慰益虔吾

和闐玉商山四皓圖

皓首商顏遠世塵蒼松白石自怡神若論杜牧曾吟句

不合山中稱玉人

夜雨

六月二十日

昨日晴和晚復陰不期夜雨達晨深雖然驅暑欣來爽  
却恐連朝懼作霖無刻弗因農繫念撫時惟覺歲關心  
曰欣曰懼渾莫定七字聊為遣悶吟

喜晴

六月二十二日

剛欣雨驅暑隨恐雨為霖宵旰纔信宿恐欣紛寸心逮  
辰雲氣散卓午日光臨五字敢言慶惟增敬益深

知魚磯

知魚磯數

上聲

惠莊典知不知早付不知向每於斯待泛

月亦十一載久罷之

壬寅年猶於此登舟泛月嗣以夜間水面氣寒非老人調攝所宜遂

不行今已十一年矣

偶撫匡床聊憩坐迅哉瞬眼過如

馳數聲年豈無樹立事

予年八表有四精神尚健而宵盱勤勞弗敢怠遑即以武功而

論前此平準唱爾者二定回部者一掃金川者二已五歲大勲即自癸卯後不泛月以來此十餘年間復一靖

臺灣一降緬甸一降安南兩次降廓爾喀竟成十全武功實屬仰蒙

吳貺方能得此而予自問化民修已諸事茫乎未逮殊堪自愧然距歸政之期近祇年餘又

曷敢不益加兢惕耶區區往日遊觀之興固無足繫懷耳  
行雲流水何殊其至於化民與修已瞠乎茫若吾猶

茲是可愧也是宜惕慢憶曩景安用為

詠方竹杖

有節由來其本性為方却是別羣形

竹圓者多而方者少

欲詢特

立亭亭者可憶渭川千畝青

遊獅子園

龍即獅園歲必遊

祖恩

宗訓憶從頭六齡識字實初至

予年六歲始隨考來熱河住居此園

皇讀

書

# 十一背書蒙

厚床

康熙六十年予年十一隨

皇考至山莊內觀

蓮所廊下

皇考命予背誦

所讀經書不遺一

字時

皇考始有心奏

皇祖近侍皆在傍環聽咸驚穎異

幸駕隨來飴錫沐

于十二歲蒙

皇祖於圓明園之

牡丹臺召見即命

養育宮中是年隨

請

侍來熱河居山莊內之萬壑松風

駕來此

皇祖幸本園進膳于時亦隨

## 慈闈宣覲

顧嘉投

是日

皇祖指予謂

皇祖連謂之有福之人

曰帶其生母來見

皇祖

皇妣孝敬憲皇后

即今仰窺

皇祖恩意似已

知予異日

卅年孝養

可以付託因欲豫觀

聖母福相也

慈寧福

聖諭兩言萬世留

予即位後侍奉

聖母皇太后四十餘年以天下養稽之史牒實所罕

覲

皇祖當年眷顧深恩即早於有福兩言預卜

慈寧之慶予今八十有四實亦老矣是不可以不

記也

妙高堂

妙高數典自蘇家縮地那論同與差騁目片時鳴轡去

無勞庚子和吟義

庚子春南巡登金山妙高臺再和蘇軾韻成什閱今又十五年矣茲堂數

典金山名實同異向已屢辨之可不必再  
賡前韻如蘇軾之吟和尖義因難見巧也

宜照齋

邸園遊返入山莊下馬書齋小躑

同韻作上聲

徜徉試身行

亦偶爾愧聽人譽謂康強

向年遊獅子園回山莊必乘馬登山至西北門今歲仍依

例策騎以行一時侍從臣工等咸以予身體康強同深欣頌予雖年登八十有四自審精力尚可固不得不以

勉循名自是題宜照責實何須待夕陽萬理設云繫淵

鑑暢春園義勉無遑

物理人情均歸澄照所宜先務者昔

此人君御世聖祖所居暢

春園有淵鑑齋亦寓此義予於斯齋命名仍紹承心法以自勗耳

觀瀑二首一韻

有源之水飛成瀑就下落高勢自雄過雨色聲覺益壯  
曰觀曰聽不同同

借雨似殊齊相語因風不異楚王雄目觀耳聽齊置却  
是謂山中賞大同

創得齋

新構之齋名創得卅年以舊仍其稱每駐山莊此初至  
何嘗非創得延停因悟一切形象者名實昏幻無定恒  
向來盼雨及畏雨

每歲駐山莊晴久則盼雨雨多則盼  
晴農事闕懷無時可以自釋近逢霖



雨連朝山田固不虞致潦然大田正在長發又冀日暄  
益資芄茂幸自昨日開霽不啻創得惟祝多晴數日於  
西成更大付浮雲去碧霄清欣茲創得祝久霽與民同  
有益也

樂期西成

旃檀林喜晴

六月二十六日

一嶺分東西升降景頓殊東嶺斜陽暎西巘涼陰鋪大  
士坐金身一切分別無所謂旃檀林梅檀如是乎

天籟書屋作歌自誚

大筌小葑籟居中子京意弗用厥庸益之曰天寓吹萬

胥任自取將無同然而一再識古蹟

秀水之天籟閣項元汴鑒藏名人書

畫之所也取莊子吹萬自取之言隱寓忘已之意然謂即其鑒藏名蹟顯自已出其果能達莊翁之旨耶

云忘已瞞莊翁一之為甚其可再而我何事尋彼踪作

歌撫卷聊自誚

元汴所藏書畫每鈐以天籟閣印記是處書屋既仿其名因即於續石渠寶笈

書畫內有經元汴印識鑒藏者數種貯其中意謂循名即當責實但元汴既徒鄉其名而予復踵尋其踪偶一撫卷亦堪自誚若謂此書屋即秀水之閣不必存分別見則又非矣穀所能窮也

置之秀水辨

安窮

澄齋樓

廿二廿三方喜晴其四其五復繼雨六月連陰雖利農

農諺有六月連過甚亦恐勞行旅山漲不久縱速洩戶陰喫飽飯之句

庭蒸溽煩歎苦今朝消盡碧天雲乃得方寸敞釋楚中

旬曾一喜澄霽兩言題額垂

仁祖

清舒山館之澄霽樓額乃

皇祖御題非望前

一齊收亦以十一日之雨大田十分霑足喜得連晴數日登眺之下不覺目爽心怡至二十二十一兩日復值

雷雨二十二三剛幸快晴而昨廿四五之雨又覺過之在農諺固以六月連陰為喜而過多又苦溽蒸今早雲氣漸散巳午之間始獲晴定因來此旃檀林有喜晴之作並登是樓為之暢懷此澄霽樓則予所建造亦仍斯

名者蓋仰紹皇祖勤民  
省歲之意不敢自逸豫耳  
茲之澄霽旃檀林則予所

名泐檐枳後

先省歲總因民詎曰山莊徒避暑

出麗正門觀稼有作

當春塞外雨應時

京城春夏之間雨澤缺少惟塞外春間屢得渥澤據報黍禾已早經佈種

齊黍高禾矮早種之季夏初到殊昔觀

此間春雨應時夏至比去歲又

遲一句是以六月初至此大田彌望菁蔥較去歲初至時更為暢遂青苗佈野菁蔥齊寢

尋中澣及下澣優霽屢霈虞過其詢之畫吏稱無礙山

漲易消資渥滋馳問京畿似此否報霖過此然及時昨因

此間廿二三甫晴兩日旋又雲陰密布時灑雨絲且雲氣又自西南來京城於廿一二等日已得透雨若又得雨澤亦慮其過多隨傳諭留京辦事王大臣將近日雨水是否不覺過多於田禾有無妨礙情形由六百里馳奏茲據奏到京城廿一二雖有大雨二次其餘皆係陣雨疎密相間而開霽之時較多並有大風吹散雲氣時露日光且節屆夏季正當大雨時行茲令值土旺尚不慮其過多等語兩朝晴定出閱稼

翁芄滿目匪所思拔穎結穗爭怒發誰為助長迅若斯近遠懸念同少慰西成虔待猶孜孜

荷二首

从草卉中正屬何芙蕖菡萏任其多葩經自是羣芳譜  
陳鄭風餘可見麼

按荷之名見於鄭風曰隰有荷華見於陳風曰有蒲  
與荷是荷之名為窠古爾雅釋草云荷芙蕖又云其  
華萏萏其實蓮吳陸璣云荷芙蕖其華未發為萏萏  
已發為芙蕖於是荷一物而其名遂多按許慎說文  
荷芙蕖从草何聲宋陸佃埤雅又云荷總名也華葉  
等名具衆義故以不知為問謂之荷也俱未嘗質言

荷之訓何予以為荷之从何是諧聲也以具衆義而不知為問是會意也況三百篇經聖人手訂魯論云多識於鳥獸草木之名是已為後世博物之宗而荷之名惟見於陳鄭二風可知古人觸物命名自具意義則荷之為何當屬正解不嫌初論也

湯泉看罷御園纔一月過餘此甫開南北暄寒有如此遲榮君子意無猜

今日見荷率爾促成自謂山莊之作此為最佳

題和闐玉蟠螭壺

山產似水產

和闐玉有山產水產二種山產者材質大而多雜石性水產者大不過尺餘而光潤

少瑕此器乃山產而質地潔瑩不雜石性宛同水產

今壺法古壺意存殷傳訓製

命玉人圖周尺長猶突

是器蓋仿周蟠螭壺原製高一尺四分而此猶過之愈為難得

吳工巧去誣

吳中玉工愛惜玉材每就其形似製為新樣以質重可獲厚利意謂見巧而轉近於

俗邇來亦頗知規仿古器俾良材不誣於市賈也

神魑刻蛻蛻饕饕義同符

按說

文變神魑也如龍一足為文明之象此與名取饕饕者同具深義耳

山東巡撫福寧奏報前後得雨均已霑足秋禾普



種詩以誌慰

畿南普渥大田茂齊北馳詢晚種情

前據梁肯堂奏畿南廣平順德大名

三府於初十一等日並得透雨大田播種齊全其已種者亦俱長發暢茂因念福寧雖秦東省於六月初三以前各屬俱得雨澤而僅止一二寸者究未霑足嗣後曾否續得透雨隨即馳諭詢問令其速行覆奏以慰厯

注 幸值五朝連霽好

此間於二十六日開霽今已快晴五朝

預披千里卜

秋成

茲據福寧奏濟南東昌武定臨清等府州自五月廿五以後疊沛優霽所有六月初三以前得雨一

二寸地方合計前後得雨均已霑足一律補種晚禾並無向隅之處現由臨清經過東昌濟南所屬下隰高原新苗滋長彌望青蔥高梁約高一二尺及八九寸晚穀約高八九寸及四五寸不等詢之農民此時轉須晴霽

適值連日晴明大田得此雨潤日  
暉益加暢達秋成實可預卜等語  
高原下隰無不遍舊

種新耕爭發榮實感

天恩實切畏夙欽謙益損由盈

澄觀齋

以言物之澄斯澄在外爾以言己之觀則觀乃內矣無  
物觀奚託非已澄何指觀澄與已物內外竟孰是明是  
者究誰庶幾達天理北寺近不遙往遊率由此

翠雲巖

傑池巖者巖為隱湔渤雲乎雲實非五日快晴畏方輝  
山莊近日雨澤已極優霑惟慮過多轉於田功有礙連  
自昨廿六開霽後已有五日似覺晴定方略釋畏矣連  
朝繼朗願無違

偉翠年年不可孤匡床七字復吟吾檐間留空去聲乙卯

耳年來題句巖間幾遍自今歲題後計至丙辰歸  
政之期近祇乙卯一年尚有餘地可脩鐫句繼以

丙辰瞥眼乎

對山齋

翠雲巖轉曲廊通咫尺書齋趣不同似此務觀騁乎外

寧無肆志憫於衷對山山對二而一如畫畫如色即空  
漫舉禪言會儒理可知仁樂樂無窮

題扎什倫布廟疊庚子韻

庚子逮今旬五彌憶班禪至祝鴻釐不惟蒙古三乘闡

蒙古素崇黃教是廟因庚子歲班禪額爾德尼來京祝  
七旬萬壽因命倣其後藏所居佛宇建造以為駐錫之  
所而是年蒙古王公台吉等來山莊祝釐  
者甚衆無不歡喜崇奉以為吉祥盛事也兼值震區庶

物熙慧草欣穰五露葉禪松都長上萬年枝曾詢駐錫

如何示愴示無為勝有為

班禪至京德行儀表高出衆  
呼圖克圖王公士庶無不喜

瞻欽奉然即於是年十一月因出痘示寂  
西黃寺此中來去因緣或契無為宗旨

霞標得句

清晨赴爽梵宮遨  
陟降於馬憩  
寮赤夏涼生赤城處  
綠雲名換綠霞標  
裴回豈不已多逸  
羣役猶憐汗未消  
別有俯看欣慰者  
山田高下蔚青苗

留京王大臣奏宜暘應時積水全消詩以誌慰

差福長安往京鞠事回至山莊詢及一路雨水秋  
禾情形繼念京師因諭留京王大臣等據實覆奏

茲奏至因成是什

赤霄幸值五朝霽

山莊兩旬之內屢獲優霽農人又慮過多幸自廿六日開霽逮今連晴五

朝  
鞠使旋來細問情積水不無阻道路連陰却覺甚都

京

福長安進京往近幾旬據云此次雨水甚大沿途河水長發異常是以行走不能迅速京中亦連朝陰雨

似較此  
間為甚

虞傷稼穡馳訴發

又詢及沿途禾稼情形據奏沿河低窪處所補種秋田間

有被水浸淹之處京畿雨水既多其田禾有無傷損深為慮因即馳諭詢問

茲報晴暘縷摺

呈

茲據留京王大臣覆奏京城於二十六日即已大晴三日以來竟無纖雲極為爽朗其低窪地方禾苗間

有過水偃伏者近日積水全消苗已復起現當禾稼長發之時得此曦陽蒸晒不特早種者結實升漿顆粒更

可飽鯁即趕種者亦俱發榮滋長一切蔬果均極暢茂  
至福長安前赴熱河俱係山路一經山水長發田禾不  
無冲損茲命傳詢順天府尹查明酌給籽種已  
即遵旨告知令其一面酌給一面奏聞等語  
以手額  
加叩

穹貺同民乾惕冀西成

望源亭

引來武列百餘里

熱河即武列水其源出中關北之固都爾呼山會茅溝河賽音郭勒河至

三道溝南折而東南與湯泉合距山莊東北數十餘里  
之列谿遂稱武列水又東南歷石挺下詳見向所作熱  
河考於此引其一流入山莊之東北門是處以近東北  
門即謂山莊之水源可也石壁上刻  
皇祖御筆泉

源石壁  
四字

初入山莊可號源坐撫偶因喻以道望之未見

愧同言

寫心精舍

精舍名寫心竟苦心之寫

神御殿右廂繼繩寢難者夏秋率於茲晴雨願時若雨

多懼霖成晴久愁早假盖無一刻寧允有三憂也

用洪  
範語

昔曾為之說始終守不捨

奉差問事侍郎松筠奏至衛輝辨彼處被水情形



詩以誌事

奉差

九佳韻

所問原他事遇沴勤民是足嘉

松筠奉差往湖北查辦事

件經過地方民事原不應干預然或倉猝遇有灾沴而該省大吏又相隔遙遠若奉差之人亦諉為事非已任不即督辦是與膠柱何異茲據松筠奏行抵衛輝目擊該處被水即督飭地方官拯救情形甚得奉使之義

可惜逢年多被旱忽聞浸水實堪嗟

豫省近年大河以南屢報豐收惟河

北衛輝懷慶彰德三府多有被旱之年今歲五月間方據該撫穆和蘭奏河北三府之安陽等二十二縣春雨未霑麥收歉薄乞請緩征新舊錢糧幸而六月間雨澤普霑秋禾均已佈種不意此時又以雨水過多轉被淹浸深堪憫惻

覓船編筏勤救渡查戶賑民慎漏差

據松筠奏六月廿一

日行抵安陽夜間大雨傾注廿二三兩日連綿不止沿途察看所有安陽湯陰淇縣汲縣等處路旁低田已有被淹處所廿六日至衛輝府城見各城門皆因水大堵閉維時該府朱紱先因查雨水公出適有經過之南陽府同知李舟並因公在府之滑縣知縣卽正達稟稱連日以雨大衛河水長數丈致將西關店舍及附郭村莊多被水浸居民有漂溺者隨即覓船編筏撈救五六千人設法安頓捐資周給次日汲縣知縣董肇彤設法出城亦卽令協同該同知等將被水三十餘村莊查明戶口一律照例散給口食其城內居民房屋坍塌者均令照例撫綏毋致遺漏又據稱現在水勢雖已消落而民田廬舍尚未涸出貧民口食亟須籌辦撫臣遠在省城未能卽至聞藩司吳璥因查辦河北秋禾情形不日到現擬暫住數日督率查辦俟吳璥到後再行啓程等語松筠所辦俱屬周妥可嘉

傳諭撫臣急賑恤

夜前至衛輝因卽馳

諭令其迅速詳細查勘並督飭所屬惻然南望又愁加  
加意賑恤勿令一夫失所以副軫念

夜雨

七月初三日

孟秋朔翼連逢霽農諺幸符冀得禾

農家以七月朔日晴占是月暘雨時

若又有不畏初一雨只畏初二陰之諺茲  
初一初二兩日皆喜竟日晴明信符農占子入哉明雨

豈碍

自廿六日晴後至初二已連晴七日伏中又慮  
久晴於農田有碍茲於初三日子時得有陣雨既

可利農且於初二畏暑蒸淨滌爽猶多孜孜敬畏雖微  
陰之諺又無妨也

釋業業旰宵敢或訛題壁歷觀渾一律祈年之外更求

何

熱七月初四日

夜雨謂消暑炎淨雨而弗透溽翻蒸秋陽暴處歎猶烈  
雲氣升時散不凝稼穡固欣長如助閭閻却慮暵其增  
盼風望霽驅暄酷調幕無能益業兢

王翬秋山聳翠圖

綠林仍護巘紅葉已標枝秋意傳新景伊人具別思試  
看聳者翠不可奪惟時歲歲山莊繪斯情恒見之

曉涼

閣雨斜陽熾似薰

宋韓琦詩輕雲閣雨迎天仗范成大詩囊風閣雨半陰晴皆據閣不下之

意宋林逋詩聊為夫君一擔閣則據閣乃恒言也按禮記內則大夫七十而有閣注閣以板為之度飲食之物也後人作度閣之義用本此又焦贛易林云典冊法書藏閣蘭臺是漢時已有作虛字用者及蘇軾贈治易僧智周詩有云閣東九師新得句亦用庾翼傳所云束之高閣語而意尚未明顯不若閣雨二字意新而語雋也因用其義并識之

幸而假寐爽宵分獨眠颯爾變時適曉坐依

然問政勤自是山莊有恒度

山莊近年以來閣閣烟火日繁是以每歲夏月較前

炎暑加盛今歲入伏後午熱倍於常年然清曉氣候尚覺涼爽究係塞外地迴使然故不愆恒度耳欣看

塞稼起秋耘究當陣霽湔殘暑極目西南望正殷

此間霽雨

每自西  
南來

省刑疊去歲癸丑韻

大暑去酷吏請雨寬輕刑酷吏今實無虛名未可成輕

刑則恒有寬或解鬱蒸

赦非善政予即位之初屢以訓示臣工近數十年既無其事因

亦未曾置論蓋時無酷吏自乏冤民原不可徒務虛名使惡者倖免而善者滋懼至或偶因暘雨不時清理刑獄庶幾感召天和此又非矜小惠者所可比也方稱陣雨霽近復連逢晴昔幸

聚萬家茲數倍以盈

山莊近年以來伏中頗覺煩歎此實人烟稠密所致皇祖詩有

聚民至萬家之句今又百年生齒日繁奚啻十倍於前盛夏久晴炎熱亦無足怪

清獄例昨歲

庶幾和衆情推行命司寇

自前月下旬晴霽旬日暑氣鬱蒸京城自必更甚現值中

伏距處暑尚有半月餘民間恐不免蘊蒸致疾因念去歲七月內亦以晴久炎熱特命省刑以冀和甘今歲之熱正復相同因即傳旨着刑部堂官查明徒罪以下分別減等發落若緣事牽涉拘繫候質者亦速令訊明省釋至尋常案件並着此地叢吏呈  
至此間承德府所屬監禁各犯並着該道

一體查明就近具報軍機大臣以期迅速核辦  
不必稟報該督致稽時日亦沿去歲之例也  
賡韻益

自慙五字連歲營油雲望西南霈甘普

賜亨

題秋澂齋疊去歲癸丑韻

是日七夕

去歲題秋澂節過五日遲

去年七月朔日立秋初五日來此已入秋五日適初四夜

得有渥雨天氣颯爽復慮過多是以題是今歲題秋澂

節猶五日虧

今年立秋在七月十二日今日來此距立秋尚早五日正在中伏之內自前月廿六

日晴霽後今已旬餘煩歎望雨及懼雨一例心波吹

殊甚更望陣雨為之驅暑波

二字見駱賓王啓又釋惠洪詩云心波不興類古井此也急則治其標且希車洗隨

俗傳七月七日雨謂之洗車雨或前一日或後一日

皆然歷驗不爽茲以蒸熱盼雨應節是亦急則治標之義耳

是日雨再疊前韻



雙星示靈佑佳兆果無遲

晴久炎蒸亟盼斯節當有隨車雨午後果爾應兆益傾霧

霈送爽馳炎頓覺涼生實可幸耳

雲勢乍吞吐山形遠蔽虧落來急電

驟洗去酷歎吹既渥願即霽夕林朗照隨

晚照晴定方敢成此什也

題遲雲榭

遲之為言義有兩一為遲

去聲音推

待一遲

平聲音埠

緩雲之於

人兩義無曰待曰緩都弗管節雨應時雲之功兩日快晴雲之善非愁緩亦毋藉待風氣清涼塞景滿英英者祇付弗知我實於心謝匪淺

滄浪嶼

水中嶼置水中央

平地小山在水為島在陸為嶼出六書故然說文訓嶼曰島也謝靈運登

江中孤嶼詩云孤嶼媚中川則島嶼二字原可通用是嶼石壁陡峭豁豁間中有水池有徑尺金鱗無數精

舍五楹額曰滄浪嶼乃皇祖御書也

潛躍金鱗樂意洋俯覽全身裏許

在豈知清濯與滄浪

雙松書屋口號

山莊內樹無慮萬有自太初孰與名此似夷齊史遷述

居然雙峙弟和兄

夕佳樓

本擬陶家意兼如范氏詩

佳晴有新課  
范成大句也

三朝欣已定

自昨

初七日雨後已  
開霽三朝矣

五字實相宜鴉背翩翩影林梢閃爍枝

老農都不顧正是力耕時

立秋

七月十二日

晴和三日幸宜暘

昨初七日洗車應節損減炎蒸次日  
旋即開霽至初十日連晴三朝秋禾

得此烜暘  
悟覺荒茂

不料山雲吐夕陽入夜達晨霏雨點過寅至

夕露曦光

初十夜間微雨  
次早仍又放晴

翼朝秋節心誠畏徹晝農謠

意卜祥

農諺以立秋日無雨為秋掉主秋月雨少雨不止為秋僂主秋月雨多惟以雨而即晴為最宜

今歲塞田十分雷透秋日盼晴多為佳前一日即為緊念幸昨日丑寅之間陣雨一過即住至辰刻纖雲不留快晴竟日戌刻又雨交亥人事復晴恰符農諺實屬祥徵

天時符順吉益深虔惕勗無違

### 即事

剛幸立秋後欣逢四日晴而其初之雨山田無礙耕是  
宜心畧舒何乃愁時縈嗟彼畿與齊窪處潦復成壘更  
次第報民屋多頽傾可惜新種田溝澮嘆皆盈其涸艱

立待潮旺拒以停

先據尚安奏固關地方六月廿二三日大雨山水陡發即馳諭梁肯堂帶同

藩司鄭製錦分投查勘撫恤照例加兩倍賞給俾無失所旋據該督奏畿南被水共五十二州縣飭令大名道王汝璧等分往詳勘一面動款碾米撫恤倒塌房屋遵旨優賞現在水已消退俟查明奏請撥帑賑卹等語又念天津較遠該督未能兼顧復諭鹽政徵瑞或有被水之處一面妥辦一面奏聞茲亦據奏天津自七月初二初七等日大雨該處當衆水匯流之地秋潮正旺逆拒內河不能直瀉以致窪地被淹督同運使嵇承志等分路查明散給銀米等語仍傳諭徵瑞有應需接濟之處即奏明加賑不必俟該督等親往查辦並令其毋庸前來山莊叩祝致稽賑務又據福寧奏衛河水勢驟長臨清夏津冠縣地方有被淹處所亦即馳諭實心賑撫或需截留漕米據實奏聞旋據奏該處村莊積水有至五六尺者已委員用船濟渡給發銀兩搭蓋席棚先行撫

卹問有冲塌房舍亦即遵旨加兩倍給予民情現俱寧貼等語至於借給庫項堵築漫口雖應攤征歸款但該處先已被旱甫種晚禾被水不能有收何忍復令攤征亦著作正開銷以示軫恤先事屢降諭

自責勗衆卿君臣過已然惟盡賑濟誠南望夙夜焦調

變愧無能急救窮黎灾肯言惜費羸庶幾微減過悔過

戒虛名京中實報佳

十一日自子至卯熱河雨勢甚大次日立秋宜晴而雲勢自西南來

未知京師何若因傳詢留京王大臣等據稱京城晴已及旬是日丑刻陣雨旋即開霽田禾得此霑潤顆粒更可飽綻並不至有過多之處即此間自六月以來屢次雨勢滂沱幸即放晴山田既易消退未稼益加暢茂惟畿南齊北被水之區雖令塞稼可望登慰此憂忘彼吾竭誠賑卹究難釋於懷耳

罪當益增山莊時若景對之那怡情

江西巡撫陳淮福建巡撫浦霖湖廣總督署湖北

巡撫畢沅各奏早稻收成分數詩以誌慰

方嫌早稻報收遲

去歲江西福建湖廣等省皆於七月初旬外奏報早稻收成分數日內尚

未有奏到者正嫌其遲今日則三省同時奏到而收成俱幾上稔洵堪慰念

三省茲欣到一

時陳

淮沅

畢沅皆稱九分過

陳淮奏江西省本年春夏以來雨水充足均資灌溉茲屆

早稻刈獲登場所有各屬七十九廳州縣收成分數內十分者南昌等二十一州縣九分者寧州等五十八廳州縣通省收成實共九分有餘現在雨暘得宜晚禾滋長糧價平減民情歡慶又畢沅奏湖北通省除應山等

六縣不產早稻外其餘六十二州縣早稻均已成熟次第收穫將竣內收成十分者江夏等十二州縣九分有餘者黃岡等十三縣九分者咸寧等十一州縣八分有餘者漢川等二十州縣八分者崇陽等六州縣合計通省收成實有九分有餘楚北地本上腴性宜早稻本年二麥已慶有秋茲復咸登新穀戶有蓋藏羣安樂利等語

浦霖

閩少遜昨年規

又據浦霖奏閩省入夏以來雨水調勻早禾成熟計通省六十

四川縣除臺灣一縣土性不宜早稻外其收成九分有餘者長樂等十四州縣九分者閩縣等三十五州縣八分有餘者古田等十四縣合計通省收成實有九分市中糧價日就平減等語去歲閩省奏報早稻收成九分有餘今年牽算不無少遜然與江西湖北二省相去無幾雖俱非上稔亦屬中稔之近上者覽奏均為欣悅

雖非上稔中實勝誠幸食饒衣自隨遠縱慰哉近增懽



畿齊佳信昨秋思

去歲秋收直隸早報十分可謂上豐山東亦有九分今歲雖幸京師及口

外雨暘時若可冀有收而畿南齊北一帶始則未能霑  
澤播種維艱近復雨水過多間被淹浸縱不遭截漕撥  
帑竭力賑施小民或不致失所要不能慰遠而忘近耳

山西巡撫蔣兆奎奏勘省北代州屬縣被水情形

詩以誌事

晉北奏陳水漲秋

蔣兆奎奏省北代州及所屬之五臺繁峙等縣自六月二十三至七月

初二三初七八等日大雨連綿該處山水陡發房屋地畝致被冲塌淹浸並有損傷人口現在馳赴該處督率履勘等語隨即傳旨該撫確實查明妥為賑卹所有損傷人口冲塌房屋俱按例加兩倍賞給務令均沾實惠

勿致一夫失晨批三慰一批愁今日據江西湖北福建

所用副軫念獲稔收批覽方為欣慰又接晉省奏被水情形閩慰三

切災黎復增一愁所慰雖多轉覺不敵一愁耳

那抵一愁切洪範原符慎守憂向著讀洪範謂以六極

去其一者曰憂如近日畿南及齊豫連界地方雨水過多致被淹浸今日聞晉省又有被水之區雖飭加意賑恤保無或有失所此憂不能去實亦不忍去歸政近餘一年敢不慎守此志以冀仰邀昊貺耶

### 登四面雲山亭子

立秋欣已符農謠

北方農家以立秋日雨而即晴主秋月暘雨時若是日子丑之間得雨一

陣遲明即止竟日晴朗適協吉占

此後多晴雨逢雨

十二立秋後逮今惟十六及十九得

雨兩次餘日  
俱屬晴霽

或夜或晝幸弗綿八朝爽霽淨驅暑今日

登山恰逮旬

自立秋至今一旬之內晴有八朝而日內  
陡然峭涼當係晴定之象登山憑覽少覺

心旬際民艱日調處

前據梁肯堂奏直隸固關等處被  
水撫卹情形及穆和蘭奏辦河北

衙輝府屬賑務福寧奏山東臨清等處地方俱有被淹  
之處已節次降旨令其妥為籌辦茲旬日以來續據福

寧奏館陶冠縣邱縣及徵瑞秦天津河間景州亦有被  
水處所隨即馳諭福寧徵瑞加意撫卹所有應賞修費

俱著按例加兩倍給予務俾小民不致一夫失所至豫  
省奏稱藩庫帑項充盈足敷賑給直隸奏請撥帑四十

萬兩亦即照數撥發更念被水各州縣積潦一時不能  
消涸不及趕種晚田民力究未免拮据并著該督撫等

再行詳細查明所有被水地方本年應徵秋糧及春間  
被早緩徵銀糧俱即加恩豁免用紓民力又以山東運

河道羅煥本係該處河工微員出身熟志運河水道溝渠繼以按察使任內因公降調今職現在疏消積水經理得宜加恩賞給按察使銜以示獎勵本日又據慶成奏堵築永定河漫口十七八等日復大雨連朝督同該道喬人傑竭力防禦新工保護無虞仰賴河神默佑幸得平穩既分別降旨優叙並賞給喬人傑按察使銜俾益加奮勉以期速歲隄工凡此軫念民艱盡心調處予實不能少置今賴天牖予衷用人得當益深寅感至此間天氣已經晴定山田禾稼芄實足敢謂小田愜中懷然不敢以此自慰遂忘籌卹民依也

滿目佳遙懷潦所馳心苦同庚亭子坐依然繼繩民瘼仰欽

祖用是祈年益業兢歸政近哉敬延佇

降山至玉岑精舍

戲用三絳  
韻題句

雲山四面登窠高由來有升必有降雖常談而至理存  
不可俗言視塗閣保泰持盈慎息消雨若暘時塵耕耨  
曰予遊乎詎在遊效唐虞慙汲黯慙曲循罇徑入幽深  
碧樾纔看一兩絳時哉時哉弗讓人精舍分明表香幢  
偶吟險韻亦求安匪學孔叢誇待撞

碧靜堂題畫

刻峭沿幽棧寢尋造敞堂今年却初至僻處足相羊宛

轉林穿綠參差意近蒼靜思其碧者不及畫中長

臨芳墅得句

出谷就平陸臨芳墅正臨試看君子德

是處匾額懸皇祖御筆前

為平臺近臨荷沼開花甚盛予復名之曰知敬仰  
魚磯昔年遊月每開舟於此茲不為已久矣

聖人心載月舟早罷當秋筆偶吟一朝復一夕  
耄歲至  
寢尋

物魚亭

捕外湖魚置內湖

東為外湖西為內湖每捕外湖之魚置之內湖放生雖好有

分區

江浙人多以放生為行好事杭之西湖有放生池是也其意未嘗不善然因有買生放之者遂有捕

之者藉此為牟利之計而當其捕之時又豈能不傷一二命是愛之乃正害之聖人不忍人之政同一欲生之心而恒存如傷之念與煦煦為仁者自

有區分偶至此亭意有所會因並及之亭臨碧沼牧魚

額每憶文王輒愧吾

雨

七月二十五日

數日秋陽暴凌晨塞雨霏

自十九日雨後連晴五朝昨將曉得雨一陣日內雖不至

望雨而秋禾正在灌漿之際得此滋潤顆粒益當飽綻

山田多穗結潤土利漿肥

傍晚勢加驟驅炎淨以稀全收婪尾伏

酉刻復值雷雨勢更驟暴然不

移時即止昨廿四日未伏方畢不啻淨驅炎熱  
此後惟望晴霽迨至收成即更無雨亦可耳  
時霽願  
無違

喜晴用前韻

入夕雲看散中宵雨止霏  
蔭畦都益潤菜圃並增肥  
晴曉欣稱若暑殘去覓稀  
何修慶斯遇乾惕敢違違

處暑

七月二十八日

五年閱詩本昨歲未吟斯  
向年處暑節多有詩茲閱詩  
本五年之中惟昨歲未曾吟

句以昨歲交是節時晴  
農諺勝壬子  
農諺以七月初一  
已旬餘炎熱猶未減也  
初二兩日無雨占



欽定四庫全書

御製詩五首  
卷九十一

是月陽雨時若前歲壬子初一晴霽竟日而初二過申  
雲作霏絲達旦嗣即陰雨連朝若今歲月初兩日皆獲  
快晴恰符農諺是以此後晴雨得宜至今日月中為最  
交處暑秋高晴定日漸風涼可徵節氣不爽  
遲處暑節得七月中氣是以往年多在申旬辛亥在實  
二十四日今歲又在二十八日較亥年為更遲矣

欣殘暑處上便有爽風吹四序不相讓分陰惜在茲

獲鹿

早降罷圍旨

前歲有廓爾喀之役慮進哨後或稽軍報  
去歲天氣早寒允眾請亦未行圍今歲似

不可闕乃入伏以後雨水較大道路泥濘眾蒙古來山  
莊慶祝萬壽者比往年到遊且稱恐難行圍予亦自念  
八旬有四雖日理幾務精神未覺少遜而射獵究非所  
宜即明年仍在山莊過萬壽亦擬不進哨俟丙辰年歸

政後嗣皇帝行園子彼時為太上皇仍可同往安坐看  
城觀嗣皇帝率同王公大臣及蒙古王公台吉等舉行  
秋獮豈非吉祥盛事蓋高年之人原不應以筋力較強  
弱而理宜頤養亦不可過於強勉是以降旨今年仍不  
進木蘭至於佈園之蒙古兵丁及東三省來習  
圍者仍命照上年之例減半賞給以示體卹  
乘舟聊  
散行物魚觀藻樂一鹿倒鎗鳴  
樓之東望見坡間有二  
鹿試一發鎗即應聲而倒在予初意不謂尚能如此蓋  
自幼齡練習精勤是以視準發機有得心應手之樂然  
予已降旨罷圍必不因  
此復有進哨之念也  
不謂尚能此實緣舊習精普分

示予惠羣喜見人情

分賜內外王公及扈從之軍機大臣等無不歡喜稱頌在予靜念此

皆上蒼設佑俾予高年精力康健猶能嫻習如此  
其事固誠可喜而予歸政以前惟有益勵敬勤之心畏

滿持盈虔俟丙辰歸  
政遑敢自耽怡豫乎

題蕭雲從秋山紅樹卷

峯勢欲開樹為遮  
崔嵬畫態間  
去聲槎枒本來楓櫨經霜

染錯認夕陽一片霞

御製詩五集卷九十一

欽定四庫全書

集部  
御製詩五集卷九十二

欽定四庫全書

御製詩五集卷九十二

古今體五十首

甲寅八

留京王大臣奏雨暘應時不致成潦秋收可望詩

以誌慰

廿五此間雨驟電益似傾縱無害山地恐有礙都城

前月

二十五日申酉之交此間大雨傾注勢甚滂沱在山田本易消洩惟慮京師是日或復相同而田禾正當結實

飽綻之際有無妨礙諭令畿京王大臣即行查明覆奏以慰廑注

急訊令詳奏雖霖幸

即晴

茲據覆奏京城是日丑刻亥刻雖有陣雨兩次然為時不久并計不過三寸許幸而旋即開霽此後

連日大晴節值處暑自是秋氣收斂之象

先茲陳稼好實可望收成

先是京王大

臣奏稱近畿田禾先種者俱已暢遂補種者亦皆長高吐穗茲稱低窪處所積水漸次消涸又得此時暘暘

秋成實有可望

獨是寧行路

惟是積水甫消道路泥濘者尚未涸乾不特商旅難行而糧石艱於

車運市價未能即就平減亦為鑰念也

依然縵遠情惟祈宜久霽虔惕仰

曦晶

閱摺

十日晴已定秋高八月時藩王羣集慶宴賚亦其宜而

予憶災區依然心弗怡今晨閱來摺北河奏所司運河

竟無礙蓄洩兩酌施

河東河道總督李奉翰奏回空糧船已入東境者三十五幫自德州

以至臨清雖水寬溜急而妥慎行走尚為迅速其彭口大泛口等處因山水長發噴沙入運亦俱令該管廳汛撈浚深通浮送無阻所有魚臺汛東岸十八水口西岸十四單閘已飭啟放俾獨山湖水串運歸入昭陽湖遞達微山湖以資儲蓄現已收水九尺四寸其濟寧迤北之蜀山湖亦收水一丈零三寸往後隨時收蓄均可充裕至現在籌消積水最為緊要撫臣福寧委羅煥查明漫水去路設法疏消俾地畝早涸可期無悞播種麥田等語  
**學臣奏所見麥豐禾黍肥**  
據河南學政曹振鏞奏報考試情形本年自開封以次及許州歸德陳州所有經過各處二麥均在八分以上秋禾亦日見茂等語

**齊藩報其經**

又新任山東布政使孫曰秉奏由湖北入山東境開撫  
臣在臨清一帶督辦堵築漫口即取道謁見隨即查看  
臨清夏津二處漫口旬餘以來天氣晴明現已築起十  
分之八月內即可竣工其過水之處均經撫臣相度形  
勢設法宣洩積水日見消落仍可播種冬麥其所經過  
湖北之武昌漢陽德安三府河南之許州汝寧開封等  
處秋田悉屬豐蔚其山東之曹州兗州一帶彌望青蔥  
顆粒並皆飽綻西成伊邇可卜豐收等語是今歲湖北  
豫省之大河以南已可望其豐稔而山東之臨清夏津  
館陶冠縣等處漫水村莊地畝現在亦可宣洩消涸趕  
種冬麥覽奏稍為欣慰

湖豫稔無疑齊潦亦宣疏冬麥播種資然

非方伯報民况究何其三處勤宣問各命驛騎馳

惟是直隸

齊豫三省夏秋被水之處雖節經降旨令該督撫等確  
查妥為撫卹並籌辦疏消積水應各將現在水勢已消



未消幾何或俱經潤出無悞種麥漫口何時完工及高  
阜處所是否仍可豐收均勻牽算分數約有幾成隨時  
奏聞以慰厯注乃福寧並未奏到豫省僅據移和蘭於  
前月二十五日奏武陟堰工已經堵合今又旬餘河北  
三府中被水地方該撫及藩司吳璥分投查勘疏消亦  
俱未見奏及命即傳旨申飭至直隸之河間景州天津  
正定固關等處被水較廣曾屢經傳旨詢問亦久未據  
梁肯堂奏覆隨即馳諭各該督撫令其速行覆奏茲朕  
雖以歲例蒙古王公等遠來慶祝不得不為宴賚然厯  
念災黎無時少釋即以山莊之賜雨應時秋成可望未  
始不感蒙 昊貺而娛近忘遠朕數十  
年來從未有是亦天下臣民所共知耳 肯以近之佳  
而忘遠者疲八徵不息強實政勤孜孜

雨

八月初七日

十日喜宜暘依旬雨報祥山田利晚稼畿路潔康莊

此問

自前月二十六日放晴後今已旬日得此一雨山田晚稼顆粒益加飽綻此後月內可不望雨而中秋後迴鑒

其坦潔耳 潤土將二寸歸雲別七襄 謂已過七月 詩篇翻昨

歲

近閱詩本去歲此時正當望雨之際是以中秋詩有乾久心固幼農沃之句幸而望後得有優膏方覺少

慰若今日之雨正符十日之期而脯後旋即晴霽可稱時若

叨幸敬無遑

陝甘總督勒保報二麥收成八分有餘詩以誌慰

天寒西北麥收遲報後南方稻熟時

南省早稻收成已於七月中旬奏到

而甘省此時方報夏收自因地處西北氣候尤寒收成本遲無足為異至所奏該省二麥約收分數內十分者

西和等九廳州縣九分有餘者伏羌等二十七廳州縣  
九分者隴西等二縣八分有餘者渭源等二縣八分者  
靖遠等三廳州縣七分有餘者狄道等七州縣七分者  
華蘭等四州縣六分有餘者金縣等五廳州縣六分者  
平涼等十四州縣通省合計共八分有餘等語該省連  
年夏收報稔今歲雖有分數較減之處而高低牽算尚  
為欣慰

所喜夏田都茂發秋成萬寶可欣期

本來地瘠民貧處得接青黃比戶娛更有為之深幸者

新疆耕賈萬民趨

甘省向日地瘠民貧自新疆底定後  
將及四十年該省之無業貧民前往

伊犁烏魯木齊及回疆等處作賈認墾者安居樂業戶  
口日增不下數千百萬人其往來想運並獲厚利而該  
省本地居民生計藉茲亦臻饒裕因念我朝自康熙年  
間以來內地民人在東三省及蒙古喀喇沁土默特翁

牛特巴林等處墾種之人不可勝計而近年蒙古收廠開墾地土益廣在內地生齒日繁於是攜其家室出口種地者較從前又不啻百十倍獲稻之史牒祇有疲弊中國之物力以事遠域從未有藉口外之地產以贍中國之民人者此皆仰荷上蒼眷佑版圖式廓中外一家因以天地自然之美利養給中國之億萬生靈又不獨甘省一隅享其利益也予惟有鴻貺耳

河南巡撫穆和蘭奏報秋禾收成八分詩以誌事

河南雨暘若

豫省大河迤南屢奏春夏以來雨暘時若高下田疇一律暢茂早知秋收可期豐稔

河北旱淹仍

惟河北衛輝彰德懷慶三府春雨未霑足反得雨之後補種已遲前月下旬又因

雨水過多衛河泛漲三府所屬多有被水之處雖即飭令加意賑卹而田禾淹沒其收成自必歉薄也 補

短截長計八分中稔登

茲據穆和蘭奏報秋禾約收分數內約收九分有餘者儀封等

二十一廳州縣九分者商邱等十七州縣八分有餘者

祥符等二十八州縣八分者中牟等十六州縣七分有

餘者林縣等四縣七分者榮澤等四縣通計豐收之九

十廳州縣共八分有餘其河北三府被水成災地方及

附近災區各縣約收六分有餘者安陽等二縣五分有

餘者湯陰等七縣四分者淇縣一縣三分有餘者輝縣

等二縣二分有餘者汲縣等六縣以上歉收之十八縣

合計約收四分有餘通省截長補短共有八分等語

依然三府歉

該河北三府被水之區秋收本屬無望今據

就一省牽算猶稱中稔亦堪少慰然屋念災黎每失所

慮賑撫未周或致一夫失所惟覺慰不抵愁耳

萬民矜慰不抵愁甚盱宵增業兢

賦得清露滴荷珠

得宜字五言八韻  
順天鄉試題

夏沼初曦照荷珠  
曉露披性情雅有印  
氣味淡相宜沉

澹攢星點蒹葭

爾雅芙蓉其葉蓮字與葭音近芙蓉  
葉本作蓮或是葭有蓮之稱也

護

陸離底須文武判  
真是畫圖麤唐賦  
久稱合梵經紀弗

遺

蓮宜日而不宜月見梵典綠衣救度佛母贊是以詠  
荷者每言初日唐太宗聖教序亦有蓮出綠波及仙

露明珠之喻

奚妨晨月映自合  
谷風吹所契色香也  
應教左

右之堯年如藉論  
君子以寧期

題關槐霜林秋色

疊嶽隆崇嶽且寄丹黃萬樹簇籠枝或能策馬尋幽耳

未可停車坐看之錦繡雲過傳甫句精神家法自全

謂關

全師如斯粉本全艱得知得木蘭扈蹕時

關槐任中書時在軍機司

員處行走曾扈蹕木蘭目所親見故能繪其景

### 詠痕都斯坦玉雙環枕

規是圓之至千秋中外傳雙環肖內地

內地所製玉枕有為雙環式者

痕都斯坦向無此式今亦肖內地為之

一枕本西天好惡

二皆去聲

可不慎琳

瑯亦待鐫他山憐彼石為錯孰知焉

湖南巡撫姜晟廣東總督長麟各報早稻收成分

數詩以誌慰

湖南省近廣東遙批閱欣同慰盱宵

湖南近於廣東而同時奏到者以廣

東由陸路計日可到湖南由水程不能計期也

遲早到因水陸異獲收都賴雨

暘調楚誠幾矣上豐得

姜晟奏湖南早稻收成分數除永綏桂東二廳縣向不種早稻

外計收成九分有餘者長沙等三十廳州縣九分者相陰等三十二廳州縣八分有餘者零陵等十州縣合計通省早稻收成實九分有餘並據各屬稟報六月內每旬均獲陣雨三四五次不等將來中晚二禾亦俱漸次黃熟秋成有慶現在新糧入粵亦幸乎中稔標  
市價值中平民情甚為歡悅  
長麟奏廣東早



稻收成計八分有餘者新會等十八州縣八分者南海等五十九州縣及南澳廳收成八分從化等十州縣收成七分有餘高要等三縣收成七分通省總計早稻收成實有八分等語該省雖不及湖南幾於上豐亦稱中稔覽奏均為欣慰

南顧那能弗心慰  
沴懷三省更增焦

今年南  
省秋收

大率俱在八九分以上惟齊北畿南及豫省之河北三府間有被水成災之處雖已蠲免賑濟並照例加兩倍賞給修理房屋仍飭該督撫等悉心經理實力撫卹而軫念災民不能不為焦切耳

### 題和闐王龍尾觥

和闐玉石子土氣滿身存就質聊命琢中

去聲

規且弗論

之而突如聳髻墜議無煩歌器設相擬吾斯慚慎言

和闐水玉鮮得中規矩為大器者因就其形狀雖畧  
歎邪不合方圓示藁內府玉人肖漢製為龍尾觥頗  
稱雅觀已屢有詠不料吳中玉工遂有製斯觥售人  
來獻者可見人君好惡不可不慎韓非子孟圓水圓  
孟方水方之喻洵為弗爽因題是器並以識戒云

留京王大臣奏報雨暘以時早禾已收諸情形詩  
以誌慰

前日於茲雨即晴過乎不及繼都京

昨十一日此間半  
夜後得雨一陣喜

即放晴馳念京師傳旨詢問留京王大臣該據覆奏城中自前月廿五日得雨後晴已半月是日自寅至辰得雨約三寸許旋即開霽現在早禾俱已收穫所有晚穀及補種秋禾正當灌漿之際得此霽需更資飽綻其低窪積水以晴久亦漸次消涸郊外路途皆如常乾燥等語閱此情形不特冬麥俱可翻種而節後迴蹕途中扈從人員車馬亦可安行無慮也

渥霑三寸開霽好收定早禾晚稼榮低

地涸消麥堪種陸途塵颶衆安行慰哉難可真言慰南

府縈心潦未平

近據梁肯堂奏畿南天津河間等處積潦須白露節前後海可納水始得以次

宣洩今日已交白露縫念災區惟冀日漸消涸俾農氏趕種麥田方可慰懷耳

### 中秋節作

誕辰慶節每駢呈深沐

天禧虔感誠玉塞蒙庥田告稔

此間夏秋以來霖雨應時幸而旋即晴霽是以

禾田倍加暢茂現在已交白露收穫在即可幾上豐

仙莊錫惠歲常行菁蔥林樹

瞻桂色酬答管絃聽鹿聲乙卯中秋仍此度奢華那肯

順輿情

明年乙卯為予即位週年朕初意欲於萬壽節前由熱河回京受賀繼思今春因上冬雪

澤未優春間又復闕雨早經降旨命將明年中外臣民祝嘏慶典停止舉行若仍於萬壽節前回京則王公外

藩以及大小臣工必將再四懇請既滋糜費而春間所降之旨轉覺不誠是以明年仍定於熱河過萬壽節再

行回鑾俟至丙辰月正元日歸政後彼時嗣皇帝以天下養率領臣民數天同慶尤為千古罕觀之吉祥盛事

朕亦樂於  
允從耳

浙江巡撫吉慶奏報早禾收成八分有餘詩以誌

慰

昨歲九分今八餘亦堪稱稔慰心舒

吉慶奏浙省夏間雨水調勻六月以

後更為暄潤得宜早禾倍加暢茂現俱陸續成熟所有各屬收成分數九分有餘者金華嚴州二府屬九分者溫州府屬八分有餘者杭州紹興台州衢州處州五府屬七分有餘者寧波府屬統計各府早禾收成實八分有餘該省上年早禾收成九分今歲雖分數少減尚稱中稔堪為農慶

中雖欠上實為幸

北則遼南惜弗如

北方畿南齊北及豫省之大河以北秋間以雨水過多田禾多被淹浸雖

近據各督撫奏除窪地被水外其高阜處所亦尚有收然通省牽算究不能無減則遠遜南省矣 況得

春蠶收報盛更欣晚稼茂過平初又據奏杭州府屬之

縣暨嘉興湖州二府地勢較低向皆種植晚禾現亦著葱茏茂等語此三府向來最重蠶絲今春已獲豐盛而

晚稼亦可一律南瞻豈不同浙樂齊豫燕民切憫予稔收更深欣慰

### 獲鹿再詠

麋鹿麋麋翠樾叢不能不技養於衷花神名首發舊神

繼亦鎗名予年十二皇祖命十六叔莊親王教予學火鎗視準發機如有夙悟初試鎗時一發斃羊

於百步之外皇祖甚為喜悅此花准神鎗舊准神鎗皆皇祖所親御恩賜者予數十年來木蘭

行圍及山莊幾暇閒用即鹿多先用花准神鎗偶弗即  
踏必用舊准神鎗無不應聲而倒今年雖不進圍然舊  
日肄習未免技癢近於山莊內連獲數鹿亦先用花准  
神鎗中之繼以舊准神鎗即倒此實昔年勤練之精是  
以年雖老而目老目依然少目同俾識仙莊多豫悅分  
力不減少時也

頌蒙古衆王公

蒙古向重武事予昔年在木蘭圍中馳  
射發鎗武藝精熟衆蒙古隨圍數十年

無不知之但今年既不行圍蒙古王公等不幾謂予怠  
於肄武因乘暇於山莊內即鹿以試精力而近日所中  
之鹿皆係一發即中及頌賜蒙古王公等無不歡喜欽  
服似此身體康強實荷上天錫佑而我朝  
法不忘武備亦  
往代所希有也  
康強身體賴

天錫

家法皇清慶莫窮

避暑山莊迴蹕之作

避暑起居適罷圍車駕旋

今歲駐蹕山莊前及三月賜雨應時起居頗為安適以罷

木蘭行圍仍依上年於中秋後五日迴鑾

夏霖塞地如秋暖鹿期延

朕因前兩年俱

未入圍今年自當舉行盛典乃聞圍中以夏雨過多道途沮洳而節氣又較往年尤遲鹿性畏熱彼時尚未下

山因允衆請仍暫罷止行圍

雖尚精神健其如筋力綿

木蘭行圍所以習勞肄武

數十年以來率必舉行朕今年登八十有四雖勅幾理務自揣精神弗遜昔年而射獵之事全在筋力近於山莊內偶御火鎗輒即中鹿衆王公等無不歡訝若圍中策騎從禽自不及前此亦高年所不能強勉之事非予



之敢弛武備也非予弛武備允衆養高年乙卯仍如此丙辰擬

述

先

明年乙卯雖停止中外臣民舉行踐阼週年慶典仍

至丙辰年嗣皇帝受禪豈可不遵家法而朕於彼

時亦無須親行較獵乘坐輿同至木蘭未為不可也

圍中弗御馬坐視憩營前

予年十二時隨侍御馬後問之來

保稱弗

御馬者已五六年矣予幸邀

天壽

登八表餘

設幸至丙辰當猶

皇祖例坐野營看城

前親觀嗣皇帝率衆行獵在遵養之道固

所應然而稽古載籍亦誠罕親之盛事矣

入古北口作

口外霖雖多無妨愁口內

今春熱河一帶本不闕雨夏秋之間雨雖畧多幸即晴霽

山田又易消退不但無礙秋禾而暄潤得宜倍覺堅好惟口內春雨既未優霑而畿南又以秋雨過甚更多被淹之處以此總未怡懷口內不待言誠弗如口外然而北勝南緣

地高近塞

口內又覺北勝於南則以近塞地勢較高是以雨不至潦且氣候和暖今日進口所見蹕

運木泰俱已登塲詢之農民約收七分以上京城相距不遠情形問亦大概相同今朝入古北

農功觀大概禾黍已畢收七分餘可賴至京胥若茲與

論行看逮迤南獨堪憫積水猶餘在疏消期種麥

京畿連南

低窪處所被水秋禾固屬無望惟冀早為涸出俾農民超種麥田亦可慰念屢諭梁肯堂督飭該管道府速籌

宣洩今日據奏低田漸有涸出者播種麥田諒不致悞  
仍飭不遺餘力設法疏消因念夏間初往山莊方憂畿  
南雨少旋蹕又歷水潦未  
即全涸惟有自深慚愧耳  
屢訓頻一再憂往憂以旋慚  
愧難為奈

直隸總督梁肯堂山東巡撫福寧山西巡撫蔣兆

奎各報秋禾約收分數詩以誌事

南方今歲佳

今歲大江以南各省晴雨應時所有秋成分數雖未報齊已據浙江江西福建湖北

湖南廣東等省奏報俱在八九分以上惟直隸山東山西河南等省之中以秋雨過多低田間被淹沒秋田有

受偏災者

北省間

去聲

受勞省收以總計補短截長較

每歲各省奏報

收成皆就通省截長補短牽算亦成例也豫疆仍八分中稔幸已告

北三省河

所屬雖被水之處收成歉薄然大河迤南收成皆在八分九分以上昨據穆和蘭奏通省合計尚有八分已有詩

誌事山左及山右今朝奏齊到左則慶九分

今日據福寧奏秋禾約收

分數濟南東昌二府屬除被水地畝外其餘尚約收八分臨清一州暨所屬三縣除被水地畝外其餘尚約收

七分至武定府約收八分兗州曹州沂州登州萊州青州泰安等七府並濟寧州暨所屬約收九分有餘合計

通省秋禾約收九分等語

右更有餘造

又據蔣兆奎奏山西省九府十直隸州及歸綏道所屬約

收分數內十分有餘者太原等二十廳州縣十分者太谷等十九廳州縣九分有餘者陽曲等三十二廳州縣

九分者交城等十七廳州縣八分有餘者岢嵐等二十州縣八分者永濟等二縣除代州並所屬之五臺繁峙

三州縣間被水淹然為數無幾合計通省秋禾約收分數實屬九分有餘等語是山東山西二省雖有被水之處而稔收處所原多是以總計通省收成仍幾上稔較之豫省更為過之覽奏為之欣慰惟直隸可

憐祇七分餘報

惟直隸被水州縣較多低窪地畝俱屬無望其高阜處所及得雨調勻州縣約

收分數據謀肯堂奏八分者承德宣化二府屬七分有餘者永平保定天津順德大名遵化易州趙州暨口北道屬張家口獨石口二廳屬七分者廣平一府屬六分有餘者順天正定冀州深州定州五府州屬五分有餘者河間一府屬以上各府州屬除被水村莊不計外合計通省秋禾約收祇七分有餘等語

胥以稔

抵歉究屬不同調豈可置向隅優恤頻申詰

以上各省秋收雖係

以稔抵歉尚有至八九分以上者然被潦之處未免向隅朕心深為憫惻已先事節次降旨令各該督撫極力

賑恤並加兩倍給予膏恤銀兩至直隸初令截漕十四萬石發帑四十萬兩續又奏請撥帑二十五萬通倉米二十萬石亦即允其所請其河間天津二府屬被災較重所有節年未完帶徵緩徵銀糧已降旨先行豁免又據奏通州等三十三州縣亦屬災重之處節年帶緩銀八十一萬五千五百餘兩穀六十三石零豆六百五十九石零經部議請免一半亦即降旨全行豁免以示矜念地方偏災難或不免惟有飭各該督撫盡心查勘撫恤不惜帑米優加施濟庶堪補過然調募無能撫躬內省惟深自責於懷耳

慰稔欣或忘憐

歎心常悼斯總吾之過責已愧增懊賑恤不遺力疏消

仍督詔涸地弗悞耕

命渠肯堂駐天津督催疏洩低田存水不悞冬麥之種亦再無別策

矣  
麥秋繼為要

迴蹕至御園即事

北往南旋三月經較晴量雨日無停每多額蹙眉攢際

那有心怡神豫形

六七月間霖雨每大亟望開晴口外山田無礙而思及口內輒為之愁

微幸秋長薔茂白尚看候暖樹爭青憐他湖菖及月桂

拂水因風撲鼻馨

每年避暑山莊荷花六七月間至九月尚有迴蹕至御園之荷則皆謝盡

今年御園之荷猶有開者至山莊桂花今歲八月間尚未見開而御園之桂方盛自是節候較遲天氣和暖之故而向年九月迴至御園則桂已全無矣消息盛衰之理亦因之可悟

詠桂菊三首

往歲山莊八九月桂先菊後例觀之秋遲迴蹕早如昨  
今年節氣雖遲然以木蘭雨多罷獵因如舊年亦於八月二十日旋蹕而山莊之桂菊未得賞觀似兩負之

桂菊却憐兩負期

歸來金粟始垂枝幾宿黃花亦綻蕤更剩晚荷瓶裏貯

山莊翻似駐秋時

今歲山莊雖未見桂菊而迴蹕至御園數日之間先見桂正開而菊亦隨

放往年迴蹕荷則早謝盡今歲並見晚荷亦一奇恍如往年山莊季秋之景山莊九月見荷向頻有詩茲不複綴

桂菊均需涼氣開花師笑莫展薰培

桂菊俱稟金氣必待氣寒然後發榮



花師雖巧薰培之技竟無所施相將玉露金風下似傲南枝盆裏梅花  
梅品最高然盆梅可以薰培使之早開惟桂  
菊不受人工自標貞操轉可以傲南枝矣

### 閱摺

幸無用兵事所重惟民務民務戒紛擾祈年為要慮南

省率報佳廣西奏今輸漢土通省較稻收八分度

署廣西巡

撫姚榮奏該省早稻收成分數漢屬內九分者平樂等  
十五州縣八分者靈川等三十八州縣七分者臨桂等  
五縣共五十八州縣合計八分有餘土屬內九分者萬  
承土州等十七土州縣司八分者忠州土州等十三土  
州縣司共三十土州縣司合計亦八分有餘統計  
通省漢土各屬早稻收成實共八分有餘等語

山東

被水外獲猶九分遇

前因山東省臨清等八州縣有被水之處屋念積水如何疏導是否

全已涸出無悞播種秋麥其高阜處所是否仍可豐收及民掘漫口何日趕築完竣並不隨時奏報馳旨傳詢

據福寧於未奉此旨之先已奏該省秋收除被水村莊外通省合計約有九分已有詩誌事

今朝更

補陳漫口竣功固積水已疏消冬麥種不悞

今日又據福寧奏自

碭山會辦壩工事竣旋省塗次接運河道維煥稟稱夏津漫口於八月十八日堵合隨即馳赴該處親行驗收

實係鍊築如式工程穩固且蒙聖慈免其攤徵修費小民無不歡欣感頌至漫口既已斷流下游積水更易疏

消所有內邱冠縣地方先已涸復館陶縣之衛河西岸及東岸平行處所已全消涸其臨清武城德州夏津恩

縣等處日來天色晴霽亦消退十分之八現已翻犁播種秋麥情形甚為安帖惟極窪之處尚未消盡現同雖

煥督率鄉民多開溝渠設法疏導旬日之間可期全涸  
秋分節內俱可乘時播種斷不至於遲悞覽奏少為慰  
念  
籽本普賞給  
先是軫念災黎降旨令將借予麥田籽種加恩普行賞給俾小民並臻寬裕茲  
據奏業已騰黃宣示無不同聲歡戴惟散放賑濟之時是否均霑實惠不致一夫失所尚不免於懸厝耳羣

黎樂寬裕稍可解予愆曰慰仍增懼

### 重陽日幸香山靜宜園即事再疊壬子詩韻

寅重九疊子重陽

庚戌以八旬正壽七月下旬旋京是以重陽至此登高壬子則因塞外早

寒未進木蘭九月朔日旋蹕御園九日來此有復如庚戌度重陽之句去歲又以啖咭喇遠來朝貢慮天氣漸寒早令回國是以八月下旬亦即旋蹕九日至此疊壬子韻有登高例作七言體之句今年復以園中水大罷

欽定四庫全書

卷九十二

獵早迴御園今日來此  
固應佳節宛如例事矣

雨後因之曉却涼

昨初六七日陰雨早間

頓覺峭涼此時秋稼俱已登場雨固無礙且更滋益  
冬麥惟秋雨過多道路甫經消涸究以晴曦為宜惟

切望晴心不憚那欣應節菊傳香地高秋穫幸既碩

秋今

畿南低窪之處田禾多有被淹京城左右幸因  
地勢較高是以雨雖多而高處秋成尚屬稔收候暖林

連觀未蒼三歲農功一較量

前歲壬子直隸以旱歉收去歲雨暘時若秋收竟獲

十分方幸民氣可復而今秋又復被水雖疊次加恩拯  
救較之往歲偶遇災歉賑卹獨免倍覺盡心惟是天津

河間等處是否水潦全涸小民  
播種冬麥曾否齊全究難釋念  
圖來消悶悶難忘

茲來固應

節事亦或藉消悶懷然登高望遠總念  
災區且慳陰未散盡又增望晴之念矣

棲雲樓

豫山此處定先臨  
厯歲如循例至今何必景期悅新目  
應知人在守恒心  
曰棲曰去原無定或喜或愁每有吟  
望雨降見雲棲則喜盼霖陰逢雲去必愁  
雲無心而人有慮靜觀其過時原一幻耳  
潦甚瀛津涸  
未盡靈巖虔祝漫為陰

歡喜園

佛殿之右側精舍號歡喜樸宇兩三間亦可名園耳  
歡喜繹其義弗易得難矣前昨今三年喜一憂二已

幾南  
前歲

值旱今秋被潦惟昨歲獲十分  
稔收是三歲中喜一而憂二矣  
以是喻未來憂多乃定

理咄哉此言失讀洪範誰擬

喜晴

九月十一日

月之七晝九之夜均有細雨淅淅灑

昨初七日間及初九夜間兩次雨雖

皆不及寸然九月內連陰亦所罕見

季秋如是逢連陰豈恒有也心為駭

幸而弗致霧霏霽祇霑一寸作泥乃斯蓋夏秋霖過多

土澤猶溽遲乾在薄收已罷冬麥滋不無少益憂仍每

近日新涸之田小民趕種冬麥昨兩次之問憂因何  
雨未始不資霑潤然地土木濕可無稽此問憂因何

憂畿南潦冀全消涸亟待

河間天津一帶被水地畝近聞已消涸大半方亟望其全

涸又逢此雨未免鱣懷耳雄風半夜曉快晴始得詩成愁畧解

江蘇巡撫奇豐額護理安徽巡撫周樽各報秋收

分數詩以誌慰

蘇徽俱屬江南省南北秋收畧不同

今歲安徽江蘇兩省雨水充足秋禾

俱屬稔收惟江蘇報稱八分安徽報稱八分有餘畧有不同

南則若時多報稔北因

被潦欠稱豐蘇疆合計八分獲

據奇豐額奏江蘇省大江以南早稻將次刈獲

晚禾結穗飽縱大江以北早稻現已登塲晚禾雜糧均已結實內收成十分者吳縣等十一廳州縣九分以上

欽定四庫全書

卷九十二

暨九分者江浦等十四廳州縣八分以上暨八分者上  
元等二十四州縣七分以上暨未及七分者山陽等二  
十一州縣統計江寧藩司所屬收成七分有餘蘇州藩  
司所屬收成八分有餘以通省總計秋禾收成實有八  
分等語  
**安徽省有餘一體充**  
據周樽奏安徽省秋禾約收分  
九分者太湖等十六州縣八分有餘者懷寧等十五州  
縣八分者桐城等十一州縣七分有餘者潛山霍邱二  
縣六分有餘者壽州等八州縣六分有餘者宿州  
等三州縣統計通省秋收約八分有餘等語  
**其名應行**  
**寬緩者**  
惟江蘇徐州府屬之碭山等縣因曲家莊黃水  
威漲宣洩不及致有積水又淮安揚州海州所  
屬有因雨水過多低田間或被淹已據奇豐額查奏降  
旨將本年應徵應帶銀米加恩緩至來年秋收後分作  
二年帶徵至安徽省前奏鳳陽泗州二府州屬沿河傍  
湖低窪地畝間有水淹之處並飭令周傳查勘毋得諱



飾俟奏到後自應一體加恩總期弗教隅向念民窮  
並臻寬裕不致向隅方堪慰念耳

### 香山靜宜園迴蹕憩靜明園即事

靜明園昔百年久

靜明園乃康熙年間所建今已百餘年矣乾隆庚申御書題額

香阜

靜宜我始名

靜宜園則予於乙丑年始廓郭剔莽綴以軒亭至丙寅年落成因題是額園中亭臺

亦所有祖所題御額

宜靜原同明靜理此山近接彼山清細思

遊豫似隣動不涉流連非放情塗弗生塵場積獲

迴蹕所經

沿塗纖塵不起歷覽田家場圃收穫尚多蓋此一帶近接山麓地勢甚高是以夏間雨後旋即消瀉不致存積

有礙禾稼輕雲布又盼時晴

近日畿南積潦方消民間趕種冬麥道路沉澶亦漸涸出可利

欽定四庫全書

御製詩五集  
卷九十二

十九

行旅而日內屢見雲興頗以為慮雖深秋不致  
尚有多雨然地氣濕潮未收惟盼時晴為快耳

西安巡撫秦承恩四川總督福康安各報秋收九

分有餘詩以誌慰

夏秋霖雨異常盛却利於西弗利東陝蜀以居太行右

黍禾都獲九餘豐

今歲秋雨過多南北各省中多有偏隅被水之處惟陝西四川轉藉優霑

秋成告稔茲據秦承恩奏報陝省秋禾約收分數除沿邊之延安榆林綏德三府州屬節候較遲例歸實在收成分數彙報外其餘西安等九府州屬內約收十分者孝義等十九廳州縣九分有餘者咸寧等十七廳州縣九分者臨潼等十七州縣八分有餘者富平等九廳州縣八分者涇陽等七州縣統計通省實共九分有餘又

據福康安奏川省秋禾約收分數九分有餘者成都重慶叙州夔州雅州嘉定六府眉州邛州瀘州資州綿州達州忠州七直隸州叙永石砫二廳九分者保寧順慶潼州龍安四府酉陽一直隸州八分有餘者寧遠一府茂州一直隸州松潘一廳八分有餘者理番懋功二廳通省合計亦共九分有餘

丑寅俱辛年連

稔

去歲陝省秋收八分有餘四川秋收九分今歲則更臻上稔該二省連歲告豐小民蓋蒔益加饒裕覽奏

深為慶幸

蒼赤同欣歲計充即日又聞漳泉潦

督今日又據總巡

撫浦霖奏閩省八月中旬泉州府城因連日大雨而城河窄小不及宣洩西南隅低下民房間有冲塌田禾並有淹浸之處又漳州府亦同時因雨大溪河漲漫漾入郡城水深一丈以致官署及兵民房屋多有坍塌現在浦霖暨藩司伊轍慰忘翻益繾憂忡收方為慰念乃閩布前往查辦等語

欽定四庫全書

卷九十二

二十

省復有此奏南望縫懷殊覺慰不抵愁惟此事該督伍  
拉納聞報即應親赴該處督辦乃僅委之巡撫殊屬不  
知輕重已即傳旨嚴行申飭但此時該撫業已前往惟  
有諭令加意賑撫所有倒塌民房及淹斃人口亦即如  
恩按例加兩倍賞卹並此外有無同時被水之處確切  
查明嚴飭所屬實力妥辦務俾小民均沾實惠以副通  
格恩施至意

喜晴

九月二十日

秋深每值喜晴少細點茲翻喜見晴

往歲秋深率多晴明無足為異昨日

之雨今早細點不成分寸旋即開霽是可喜也

孟仲至今過溽潤

今歲七八月間雨水過多

是以至今地土猶屬溽潤

風雲讓日放晶明路塗雖曰通行旅薈麥

並稱普種耕

天津河間一帶以兩多積潦飭令地方官極力設法疏消近據梁肯堂徵瑞奏涸出

者十分之八官路已通行旅秋麥亦播種將遍覽奏固堪欣慰而繼此又當望冬雪之時矣

慰固不

無愁尚切霑乎否復盼冬霽

湖南巡撫姜晟陝甘總督勒保各奏秋收九分有

餘詩以誌事

湖南甘北兩相遠各報同臻九有餘

據姜晟奏湖南自入秋以後每旬得

有透雨中晚二稻不惟黃熟及時抑且顆粒飽滿現趁晴霽經旬已俱陸續登場所有各屬收成數內九分

有餘者長沙等三十一州縣九分者湘陰等三十八縣州縣八分有餘者常寧等五縣統計中晚二稻收成實

欽定四庫全書

續纂詩五集  
卷九十二

三十一

在九分有餘糧價有減無增地方極為寧謐又據勒保奏甘省蘭州等十三府州屬夏秋晴雨應時秋禾暢茂時屆登場所有約收分數除紅水縣丞等七廳州縣地氣寒冷向不種秋禾外其中約收十分者寧遠等十六州縣九分有餘者河州等二十二廳州縣九分者皋蘭等十七廳州縣八分有餘者平涼等八州縣八分者靜寧等三州縣牽算通省秋禾約收實共九分有餘餘現在各屬糧價平減民氣甚覺恬熙各等語 豈不慰遙却愁近今歲各省秋收俱在八九分以上茲湖南甘肅二省又皆奏報九分有餘益堪欣慰惟以畿南之河間天津秋間被水較重慰速而不免愁近調幕之功祇深慚愧耳 變調六幕定何如

詠和聞綠玉璧

玉河恒貢玉中

去聲

璧致艱之正復盈周尺

是璧圖徑八寸準以周尺

則盈尺矣

原堪匹漢時質呈非色潤紋列穀形彌不比他瓊

玖祈年重在茲

### 頒朔日作

廿五踐皇阼六旬頒憲書

三代下享國長久未有周甲者祇我皇祖在位六十

一年予踐阼之初

焚香告

天惟願得

六十年即當

歸政不敢同

皇祖六十一

年然

皇祖以八齡

踐阼而予即位時已二十五歲以百年計之已過四之一彼時亦未計及若滿六十年當壽躋八十五歲也今

十月朔日頒乾隆六十年時憲書仰蒙

上蒼眷佑得符初願稽之載籍實所未聞

誠然三代

下祇有一身予獨沐

天恩厚深憐

雍正除

憲書後紀年例週六甲乾隆元年憲書尚紀康熙十六年丁巳歲月推遷茲乾隆六十年憲書

已不載雍正年號開時雖久而荷吳禧承先烈兢兢業業猶是踐昨初心耳寸心增感

惕惟恐或孤初

賦得明窻淨几

得行字及兄字八韻順天鄉試覆試題

孟仲李潤溥

三秋雨過甚畿南多有被淹之處不但低窪處所田禾受損而大道積水行旅亦多

未便自九月下旬入十月以來晴明日久潦水漸已消盡小陽春朗晶拈題欣几淨



即景得窻明向處異衰盾憑時殊弟兄

蘇軾詩明窻大凡清無塵蘇轍

詩細鹽淨凡讀文史

於茲重

平聲

衆試而我別懷情低壤其涸盡亨

塗可暢行

前令梁肯堂在河間一帶徵瑞在天津一帶疏消積水日內先後面詢二人俱稱消涸十

之八九農民播種秋麥殆適大路重車亦利行無滯

寧惟托吟詠實切費經營櫺

影徐徐度案匡貼貼平那能悅俯仰祇是繾津瀛

河間天津

二府濱海秋間以潮水方盛故潦水入海不能迅速十月以後疏消自易而農民現在不致一夫失所不能不

念為繾

護理雲南巡撫費淳貴州巡撫馮光熊各報稻禾

收成九分有餘詩以誌事

滇黔地極遠禾稻報應遲餘過九分獲

麻蒙萬姓怡

據護理雲南巡撫費淳奏滇省稻禾收成  
分數高低俱十分者龍陵等十八廳州縣

低處十分高阜九分者蒙化等三十九廳州縣高低俱  
八分者鎮沅等二十八廳州縣合計通省秋收共九分

有餘其沿邊各土司地方所種稻穀收成亦九分有餘  
雜糧收成八分遠近均稱豐稔等語貴州巡撫馮光熊

奏黔省稻禾收成分數十分者貴陽等三十七廳州縣  
九分者平越等三十七廳州縣合計通省秋收共九分

有餘雜糧亦均茂盛漸次收穫糧價日見平減等語滇  
黔為極遠省分同沐天麻克臻上稔攬奏實為欣

慰災無獨有稔幸此繿他思

今歲惟直隸以被水之處  
較多收成祇七分有餘其

餘各省督撫奏報秋收均在八九分以上然如河南山東湖北湖南江蘇安徽福建廣東年景雖豐均不免有偏被水災之處至陝西甘肅四川等省雖均無災有稔而俱不逮滇黔二省更為饒裕也惟是欣幸之餘縉念偏災處所仍自不能釋懷耳 停筆增深愧鮮寧方寸知

### 即事

夏秋霖實甚晴霽月將餘潦水涸已盡冬麥種亦胥前歉昨稔過今歲沴復如賑恤不遺力流離幸少蘇

前歲壬子

畿南三府因旱歉收即降旨撥銀截漕撫恤其出外謀食之人復於京城設飯廠十餘處熱河設飯廠二處俾資餬口去歲幸得逢年直隸總督報十分收成且籌買穀補倉而今年春復早夏秋更霖雨過甚雖有淹浸之

區然因力加賑恤民間却無流離赴京及出口就食者比之前歲被旱情形尚為輕減雖云救荒

艱實心感衆俱下吏懷錢饒親身赴民間以此鮮餓殍

推惠已獎渠

今年直隸被水各州縣一經奏聞即命於例外加兩倍賞給並嚴切申諭地方大吏

實心督辦而州縣等官亦共知勤勉實力撫綏多有即時乘小舟親攜錢文饘餅赴水圍村莊散給之處是以民間不致乏食人情安靖昨經降旨將辦賑出力之員交部議叙以示獎勵頻繁飭修塗已

可行重車

河間景川及天津一帶地勢窪下積潦尤多未克有礙行旅節次諭令梁肯堂督飭道府

大員疏消修整其天津道路則責成鹽政徵瑞就近修治並據奏稱道已通達重車可以往來無阻復遣舒常親往二處查驗情形屬實稍為慰念近閱秋成報南省多稔區河南及山

東涸早民氣舒太行西更佳秋成普豐腴

今年江以南各督撫奏報

收成分數俱屬豐稔多在九分以上即河南之衛輝府屬山東之臨清館陶一帶山西之省北代州各有一隅被水而通省收成牽算仍屬中豐山西則九分有餘較為過之四川陝甘皆報豐收以各省合計仍屬中豐也

畿南潦實重近亦麥種鋤總計七分收

畿南潦水近已涸盡所種冬麥

出土俱有數寸現在土脉滋潤三冬可不望雪雖直隸通省秋收僅止七分而明春麥收可望繼念為之畧釋

如傷望畧紓多晴切多慰望雪念可徐即事成五言復

慮心放予

閱舊所書命館臣入吳三桂擒桂王由榔諭卷書

識後示諸臣咸為悅服復成口號

舊卷重

平聲

觀識用心手書口號復成吟重聽左耳固因

是明見右眸原至今

西師之後在廷諸臣皆有鑒於康熙雍正年間未獲歲事莫不畏難

沮議朕以遠瓦齊纂奪頻仍諸部瓦解接踵內屬機有可乘且無以安來者爰命將興師分路致討斯時力排衆議竭盡心力迨阿睦爾撒納負恩復叛用兵屢年軍書批閱問夜達晨致左耳預形重聽並左目明亦少減然幸賴右耳右目聰明自若至今八十四歲每晨批閱奏章不用眼鏡昨偶閱舊所書命館臣入吳三桂擒桂王由榔諭卷復綴識語幾二百字字體僅逾蠅頭於明寫下書之以示諸臣其年率少子十餘歲至廿餘歲不

等皆稱字裏行間無少懈筆則以右眸數十年來精神猶然如舊也

戲語

左耳重聽者四十年左目欠明者亦二十年有合  
今之俗人所云者作戲語

見半還當不見半半聽亦可半不聽此雖俗語合至理  
孰兩用中法舜經

明目達聰固宜然錯用之不幾以苛為察以刻為明  
乎再識

直隸總督梁肯堂山東巡撫畢沅各報得雪詩以

誌慰

子之上澣同雲佈飄落瓊霙即現陽

京師於十一月初七日微雪旋即開

霽不成分寸

畿甸齊郊以次報寸三指二各呈詳

據梁肯堂先後奏順

天府屬涿州大城等六州縣保定府屬安州高陽等六

州縣河間府屬交河等五縣天津府屬滄州天津等六

州縣宣化府屬懷安縣承德府屬平泉州永平府屬灤

州盧龍等五州縣深州屬武強等三州縣遵化州屬豐

潤等冀州屬武邑等均於十月二十七及十一月初

七八等日各得雪一二三寸不等又據畢沅等山東登

萊武定三府屬先於十月二十二三及二十八日得雪

一二寸至三四寸不等嗣因馳抵臨清催備糧船據稟

報省城於初七日戌時得雪至初八日子時止除融化

外積厚二寸有餘並據附近省城之齊河德州等八州



縣稟報均於是日得雪二三四寸  
雖然京兆較為遜自  
不等實為來歲豐慶之兆等語

是今冬第一祥未致望殷漸厘望

今秋雨水較多地土潮潤目前京師無雪

亦固然民間所種二麥甚廣若得冬雪覆壓蟠根當益  
深固於不望之中未免又畧致望惟靜以俟  
天恩

之連耳

天庥靜以俟其雱

詠和闐玉倣漢龍尾觥

渥赭和闐玉製為龍尾觥一般存沁土却匪出佳城設  
以擬郎將斯堪號步兵考工那可究其次漢西京

題汝窑盤子

西清三代富尊彝  
越器晨星修內司  
至理原非奇異事  
銅堅甕脆率應知

冬至

南郊禮成述事

躬親歲歲祀

圜丘五十九年一日  
猶斗指半宵恰加午  
景長至丈在

牽牛數

上聲

時幸近將符願撫已  
增深敢懈猷  
乙卯得週

六旬滿欣歸政沐

昊恩優

河東總河李奉翰河南布政使吳璥各報得雪詩

以誌慰

齊郊既被雪迤邐逮西南彰衛澤尋報

日前山東撫臣畢沅奏省城及

附近之齊河德州等八州縣均於初七日得雪二三寸不等該又據吳璥奏河北彰德府屬之安陽等六縣

衛輝府屬之汲縣等四縣於十一月二十一日得雪二三四寸不等

濟魚雲並酣

河東總河

李奉翰奏東省迤南汶上濟寧魚臺等處自十月十一日得雨之後土脉俱屬滋潤茲於十一月二十二日自

寅至已得雪積有三寸麥田並  
可霑膏同日覽奏深為欣慰

接青黃有兆種麥甞呪

甘此固非急待

以今年地土潮潤本非急於盼雪之時  
但所冬至後如得雪三四寸於麥根當

益深固以此漸增望  
恩惟祈

吳耽普覃耳

亦虔

恩望覃

貴州巡撫馮光熊山西巡撫蔣兆奎各報得雪詩

以誌事

今歲渥霖盛夏秋土膏潤渾實稱優目前弗雪非盼雪

口故未求頗亦求齊界豫疆胥報澤

前據畢沅李奉翰  
奏山東省城暨迤

南州縣各得雪三四寸吳璵奏河北  
彰德等府屬亦得雪二三四寸不等  
茲據貴州巡撫馮光熊奏貴陽省城  
於十一月初九日戌時得雪至初十  
日丑時除融化外積厚一二寸並據  
安順開州大定威寧等府州稟報得  
雪情形相同等語又據山西撫臣蔣  
兆奎奏太原省城於十一月二十一  
日得雪積厚寸餘四郊一律均霑其  
太原平陽汾州潞安澤州大同寧武  
朔平蒲州等府所屬及遼州沂州代  
州平定沁州隰州保德解州絳州霍  
州等直隸州併所屬暨口外歸綏道  
屬廳先後稟報於十一月二十二  
日一二三四五等日各得雪自一二  
三寸至盈尺不等同雲時作瑞霽  
閣曉夜能無切望眸

臘日觀冰嬉因詠冰牀

繩牀殊古製冰上可拖行

冰牀古無其制起於宋北邊雄霸滄景之間見江鄰

幾離志沈括筆談蓋舟車之用過冰而窮惟此可以利涉一人挽之可載數人用力少而受直庶京師所

在有一端也舟水車陸異濟人利物并毬爭武因習

旗逐賞分平

國俗有冰嬉之典樹旗門整編伍士皆緹衣齒履鵠立以俟駕前分棚擲鞠健

步爭先意注手承及旗分八色盤懸彌絡懸毬仰射如凌虛振翼自在游行事畢依例按名頒賞八旗及

內府三旗歲於冬至後舉行親臨閱賞嚮作冰牀賦所謂順彼月令以訓以賽勇者特旌任者均賜普被

曰仁有差曰義蓋肄武習勞不忘家法且寓以行慶施惠資八旗度歲之計用普國恩名為嬉而實

典鉅也

家法國恩普羣欣度首正

浙江巡撫吉慶江蘇巡撫奇豐額湖廣總督福寧

署四川總督孫士毅各報得雪詩畧誌慚

雨渥誠非望雪時遠霑近未畧慚之

京畿迤南秋雨過多而河間天津潦

水前經潤盡本不至於盼雪但邇日各直省俱報得雪而此間尚未得甘霽以應冬令未免畧為慚望

原

田沮洳土猶潤節氣遷延春尚遲

上冬雪澤未優歲底盼望甚切今歲則地

土既潤又以節候較遲臘月十五纔交小寒去立春之期尚有一月以故同一望澤而不至如去歲之甚齊

豫晉秦早欣被

前據畢沅李奉翰吳璥蔣兆奎秦承恩等奏山東河南山西陝西均於十一月

內得雪一二三四五寸至盈尺不  
等北省甚賴冬雪覽奏已為欣慰  
浙蘇楚蜀繼稱滋次  
第據吉慶奏浙江省城於十一月二十九日得雪自中  
至戌除融化外積厚二三寸四鄉遠近均霑奇豐頗奏  
蘇州省城於十一月廿九日自巳至午大雪續紛勢猶  
未已又據福寧奏湖北之長樂等縣於十月十一月得  
雪三四五六寸不等武昌省城及荊州襄陽安陸漢陽  
等府屬俱於十一月得雪二三寸湖南之安化永綏各  
廳縣於十月十一月得雪三四五六寸不等孫士毅奏  
四川之邛州汶川清溪等縣於十一月初三四等日得  
雪高卑計二三寸平地積一二寸不等以上各省奏報  
幸今冬雪澤霑被甚廣惟近京及畿南雖非急於待澤  
而心中不無盼  
澤實難自釋耳  
口云弗急心微急方寸躊躇祇自知

雪

臘月廿五日



地潤秋霖非望雪遠霑近未畧慚然昨霏今繼雜梅萼  
晴灑陰飄幻柳棉真是沃心符臘節底須變語詠春前  
慰哉轉眼旋生慮恐却斯情頓弛虔

直隸總督梁肯堂報雪詩以誌慰

翼朝保府遞佳音時玉欣瞻沃壤深

入冬後直隸各府屬多有得雪者惟

保定省城尚未得雪茲據梁肯堂奏  
省城於二十三日得雪四寸等語

東則天津西正定

右惟五寸左稱尋

徵瑞奏天津地方亦於二十四五兩  
日得雪八寸有餘又據正定總兵德

克精額奏正定地方於二十二三兩日得雪五寸今冬  
地土滋潤各處種麥甚廣又得此雪澤滋培麥根更為

深固明歲夏收  
豐稔或可預卜  
潤郊種麥實增廣明歲登秋或可堪幸

矣仍兼懼而已滿招謙受早銘心

### 喜晴

密雲斷續三朝接優澤寢尋一尺盈曰懼

雪多恐過  
寒傷麥

曰

欣茲霑澤雪又值  
時晴實堪欣慰惟在麥既霑既足正宜晴光明溜霏

鴛鴦瓦和霑氣暄鳩鵲楹遮莫滿矜暫忘戒寸中乾惕

益增紫

### 除夕

望雪繼求雨

上冬京畿雪澤未優侵尋至今春以後始則望雪繼乃望雨無日不虔誠叩禱自正

月至五月中雖屢得雨澤總未霑透日引月長倍加殷切


甫霑復慮多

五月內幸山莊遂間甘膏

大霑而京城亦於六月初傾霑滂沱連宵達旦旋據梁育堂奏直隸各屬亦先後得雨霑足方慰半年以來繼愈乃自七月後又復因雨多積潦屢諭籌辦至秋末冬初始聞各處水涸道通民間種麥出土甚茂望歲之情稍釋

三時恒怵惕一歲又蹉跎金篆燭梅殿玉華沃麥

坡明年當此夕授政普天歌



御製詩五集卷九十二